

類經九卷

張介賓類註

經絡類

○任衝督脉爲病

素問骨空論
○二十七

任脉者起於中極之下。以上毛際。循腹裏。上關

元。至咽喉。上頤。循面入目。

以下任衝督脉。皆奇經也。中極。任脉穴名。

在曲骨上一寸。中極之下。卽胞宮之所。任衝督三脉皆起於胞宮。而出於會陰之間。任由會陰而行於腹。督由會陰而行於背。衝由會陰出。並少陰而散於胷中。故此白毛際行腹裏關元。上

至咽喉面目者。衝脉者。起於氣街。並少陰之經。皆任脉之道也。

俠齊上行至胃中而散。

起言外脉之所起。非發源之謂也。下放此。氣街

即氣衝。足陽明經穴。在毛際兩旁。衝脉起於氣街。並足少陰之經。會於橫骨大赫等十一穴。俠齊上行至胃中而散。此言衝脉之前行者也。然少陰之脉上股內後廉。貫脊屬腎。衝脉亦入脊內。爲伏衝之脉。然則衝脉之後行者。當亦並少陰無疑也。○痿論曰。衝脉者。經脉之海也。主滲灌谿谷。與陽明合於宗筋。陰陽總宗筋之會。會於氣街。而陽明爲之長。皆屬於帶脉。而絡於督脉。○五音五味篇曰。衝脉任脉皆起於胞中。上循背裏。爲經絡之海。其浮而外者。循腹右上行。會於咽喉。別而絡唇口。○逆順肥瘦篇曰。衝脉者。五藏六府之海也。五藏六府皆稟焉。其上者。

出於頰頰。參諸陽灌諸精。其下者注少陰之大絡。出於氣街。循陰股內廉入腠中。伏行髀骨內。下至內髀之後屬而別。其下者並於少陰之經。滲三陰。其前者伏行出跗屬。下循跗入大指間。滲諸絡而溫肌肉。故別絡結則跗上不動。不動則厥。厥則寒矣。○動輸篇曰。衝脉者。十二經之海也。與少陰之大絡起於腎下出於氣街。並足少陰之經入足下。其別者邪入踝。出屬跗上。入大指之間。注諸絡以溫足脛。○海論曰。衝脉者爲十二經之海。其輸上在於大杼。下出於巨虛之上。上下廉。○按此諸篇之義。則衝脉之下行者。雖會於陽明之氣街。而實並於足少陰之經。且其上自頭。下自足。後自背。前自腹。內自谿谷。外自肌肉。陰陽表裏無所不涉。又按歲露篇曰。入脊內。注於伏衝之脉。百病始生篇曰。傳舍於伏衝之脉。所謂伏衝者。以其最深也。故凡十二經

之氣血。此皆受之以榮養周身。所以為五藏。任六府之海也。又衝為血海。義詳後三十二。

脉為病。男子內結七疝。女子帶下瘕聚。

任脉自前陰上

毛際行腹裏。故男女之為病如此。七疝義詳疾。病類七十。帶下赤白帶下也。瘕癥瘕也。聚積聚

也。○瘕加。衝脉為病逆氣裏急。

衝脉俠臍上行。至於胃中。故其

氣不順則隔塞逆氣。血不和則胃腹裏急也。

督脉為病脊強反折。

督脉

貫於脊中。故令脊強反折而伸不利。

督脉者起於少腹以下骨

中央。女子入繫廷孔。

此下皆言督脉也。少腹小腹也。胞宮之所居。骨中央

橫骨下近外之中央也。廷正也。直也。廷孔言正中之直孔。即溺孔也。

其孔溺孔之

端也。

此釋廷孔即溺孔之義。女人溺孔在前陰中橫骨之下。孔之上際謂之端。乃督脉外

起之所。此雖以女子為言。然男子溺孔亦在橫骨下中央。第為宗筋所函。故不見耳。○溺。娘平

切。

其絡循陰器合篡間繞篡後。

督脉別絡自溺孔之端循陰器

分行向後。復合於篡間。乃又自篡間分而為二。繞行於篡之後。篡。交篡之義。謂兩便爭行之所。

即前後二陰之間也。○篡。初患切。

別繞臀至少陰與巨陽中絡

者合少陰上股內後廉貫脊屬腎。

足少陰之廉上股內後廉

足太陽之脉。外行者過髀樞。中行者挾脊貫臀。故此督脉之別絡。自篡後遶臀。至股內後廉。少陰之分。與巨陽中絡者合少陰之脉。並行。而貫脊屬腎也。○臀。音屯。

與太陽起於

目內眥。上額交巔上。入絡腦。還出別下項。循肩

髀內。俠脊抵腰中。入循膂絡腎。

此亦督脉之別絡。並足太陽之

經上頭下項。俠脊抵腰中。復絡於腎。若其直行者。自尻上循脊裏。上頭由鼻而至於人中。也。○

眥。音資。髀。音搏。脊。呂同。

其男子循莖下至篡。與女子等。

莖。英莖。

行二音。陰莖也。

其少腹直上者。貫齊中央。上貫心。入喉

上頤環脣。上繫兩目之下中央。

按此自少腹直上者。皆任脉之

道。而本節列為督脉。五音五味篇曰。任脉衝脉皆起於胞中。上循背裏為經絡之海。然則前亦督也。後亦任也。故啓玄子引古經云。任脉循背謂之督脉。自少腹直上者。謂之任脉。亦謂之督

脈由此言之。則是以背腹分陰陽而言任督者。三脈者。則名雖異而體則一耳。故曰任脈衝脈督脈。一源而三岐也。此生病從少腹上衝心而痛。不得前。

後為衝疝。

此督脈自臍上貫於心。故其為病如此。名為衝疝。蓋兼衝任而為病者。

其女子不孕。癰痔遺溺嗑乾。

此在女子為不孕。癰痔遺溺嗑乾等。

證雖皆由此督脈所生。而實亦任衝之病。王氏曰。任脈者女子得之以任養也。衝脈者以其氣上衝也。督脈者以其脊領經脈之海也。且此三脈皆由陰中而上行。故其為病如此。○癰。良中切。痔。音雉。嗑。音益。督脈生病治督脈。治在骨上。甚者在

齊下營。

骨上。謂橫骨上毛際中曲骨穴也。齊下營。謂臍下一寸陰交穴也。皆任脈之穴。

而治此督脉之病。正以本篇所發明者。雖分三脉。其所言治。則但云督脉而不云任衝。故所用之穴。亦以任爲督。可見三脉本同一體。督卽任衝之綱領。任衝卽督之別名耳。

躄脉分男女

○靈樞脉度篇
二十八

黃帝曰。躄脉安起安止。何氣榮水。

躄脉有二。曰陰躄。曰陽躄。

皆奇經也。何氣榮水。言躄脉爲何經之氣。乃亦如經水之營行也。○躄有五音。蹻。皎。喬。脚。又極。

切。岐伯荅曰。躄脉者。少陰之別。起於然骨之後。

少陰之別。足少陰腎經之別絡也。然骨之後。照海也。足少陰穴。卽陰躄之所生。○按本篇止言陰躄之起而未及陽躄。惟繆刺論曰。邪客於足陽躄之脉。刺外踝之下半寸所。蓋陽躄爲太陽

之別。故二十八難曰。陽蹻脉者。起於跟中。循外
踝上行入風池。陰蹻者。亦起於跟中。循內踝上
行至咽喉。交貫衝脉。故陰蹻爲足少陰之別。起
於照海。陽蹻爲足太陽之別。起於申脉。庶得其
詳也。上內踝之上。直上循陰股入陰。上循胛裏入

缺盆。上出人迎之前。入頰。屬目內眥。合於太陽

陽蹻而上行。氣并相還。則爲濡目。氣不榮則目

不合。

蹻脉自內踝直上陰股。入陰。循胛裏者。皆
並足少陰而上行也。然足少陰之直者。循

喉嚨而挾舌本。此則入缺盆。上出人迎之前。入
頰。屬目內眥。以合於足太陽之陽蹻。是蹻脉有
陰陽之異也。陰蹻陽蹻之氣。并行迴還而濡潤
於目。若蹻氣不榮。則目不能合。故寒熱病篇曰。

陰蹻陽蹻。陰陽相交。陽入陰。陰出陽。交於目。銳眦。陽氣盛則瞑目。陰氣盛則瞑目。此所以目之

瞑與不瞑。皆蹻

脉爲之主也。

黃帝曰。氣獨行五藏。不榮六府。

何也。

帝以蹻脉爲少陰之別。因疑其氣獨行五藏。不榮六府也。故有此問。

岐伯荅

曰。氣之不得無行也。如水之流。如日月之行。不

休。故陰脉榮其藏。陽脉榮其府。如環之無端。莫

知其紀終而復始。其流溢之氣。內溉藏府。外濡

腠理。

如水之流。如日月之行。皆言不得無行也。陰榮其藏。指陰蹻也。陽榮其府。指陽蹻也。

言無分藏府。蹻脉皆所必至也。流者。流於內。溢

溢於外。故曰流溢之氣。內溉藏府。外濡腠理。

謂其不獨在藏也。○按此躋脉之義。陰出陽則交於足太陽。陽入陰則交於足少陰。陽盛則目張。陰盛則目瞑。似皆隨衛氣爲言者。故陰脉榮其藏。陽脉榮其府也。黃帝曰。躋脉

有陰陽。何脉當其數。岐伯荅曰。男子數其陽。女

子數其陰。當數者爲經。其不當數者爲絡也。脉

陰陽之數。男女各有所屬。男屬陽。當數其陽。女屬陰。當數其陰。故男子以陽躋爲經。陰躋爲絡。女子以陰躋爲經。陽躋爲絡也。

陰陽離合

素問陰陽離合論全○二十九

黃帝問曰。余聞天爲陽。地爲陰。日爲陽。月爲陰。

大小月三百六十日成一歲。人亦應之。今三陰

三陽不應陰陽。其故何也。

此言天地之陰陽無不合於人者。如上爲

陽下爲陰。前爲陽後爲陰。皆其理也。然而三陰三陽其亦有不相應者。故疑以爲問。

岐伯

對曰。陰陽者數之可十。推之可百。數之可千。推

之可萬。萬之大不可勝數。然其要一也。

謂陰陽之道合

之則一。散之則十百千萬。亦無非陰陽之變化。故於顯微大小。象體無窮。無不有理存焉。然變化雖多。其要則一。一卽理而已。是以人之三陰三陽。亦豈有不應乎天地者哉。○此上二節義又出五運行大論。詳運氣類四。天覆地載。萬物方生。未出地者

命曰陰處。名曰陰中之陰。

天覆地載。即陰陽之上下也。凡萬物方生

者。未出乎地。處陰之中。故曰陰處。以陰形而居陰分。故又曰陰中之陰也。

則出地者。

名曰陰中之陽。

形成於陰而出於陽。故曰陰中之陽。

陽予之正。

爲之主。

陽正其氣。萬化乃生。陰主其質。萬形乃成。易曰。乾知大始。坤作成物。大抵陽先

陰後。陽施陰受。陽之輕清未形。陰之重濁有質。即此之謂。○予與同。

故生因春。長

因夏。收因秋。藏因冬。失常則天地四塞。

四時陰陽先後

有序。若失其常。則天地四塞矣。四塞者。陰陽否隔。不相通也。○長。上聲。塞。入聲。

陰陽之

變。其在人者。亦數之可數。

凡如上文者。皆天地陰陽之變也。其在於

人。則亦有陰中之陽。陽中之陰。上下表裏。氣數皆然。知其數則無不可數矣。數。推測也。○數三

上者去聲。

下者上聲。帝曰。願聞三陰三陽之離合也。

分而言之。

謂之離。陰陽各有其經也。并而

言之。謂之合。表裏同歸一氣也。岐伯曰。聖人南

面而立。前曰廣明。後曰太衝。

云。聖人者。崇人道之大宗也。南面而

立者。正陰陽之向背也。廣大也。南方者。丙丁之位。天陽在南。故曰處之。人陽亦在南。故七竅處之。易曰。相見乎離。即廣明之謂。且人身前後經脉。任脉循腹裏。至咽喉。上頤循面入目。衝脉循背裏。出頰頰。其輪上在於大杼。分言之。則任行乎前。而會於陽明。衝行乎後。而爲十二經脉之海。故前曰廣明。後曰太衝。合言之。則任衝名位雖異。而同出一原。通乎表裏。此腹背陰陽之離

也。合太衝之地。名曰少陰。少陰之上。名曰太陽。

陽根起於至陰。結於命門。名曰陰中之陽。

衝脈金少

陰而行。故太衝之地為少陰。地者次也。有少陰之裏。則有太陽之表。陰氣在下。陽氣在上。故少陰經起於小指之下。太陽經止於小指之側。故曰少陰之上名太陽也。太陽之脈起於目。止於足。下者為根。上者為結。故曰根於至陰。結於命門。命門者目也。此以太陽而合於少陰。故為陰中之陽。然離則陰陽各其經。合則表裏同其氣。是為水藏陰陽之離合也。下放此。中身

而上。名曰廣明。廣明之下。名曰太陰。太陰之前。

名曰陽明。陽明根起於厲兌。名曰陰中之陽。

中身

身之中半也。中身而上。心之所居。心屬火而通神明。故亦曰廣明。心藏之下。太陰脾也。故廣明之下。名曰太陰。太陰之表。陽明胃也。故太陰之前。名曰陽明。陽明脉止於足之次指。與太陰爲表裏。故曰根起於厲兌。爲陰中之陽。此土藏陰陽之離合也。厥陰之表。名曰

少陽。少陽根起於竅陰。名曰陰中之少陽。

少陽與厥

陰爲表裏。而少陽止於足之小指次指端。故厥陰之表。爲陰中之少陽也。所謂少者。以厥陰氣盡。陰盡而陽始。故曰少陽。此木藏陰陽之離合也。是故三陽之離合也。

太陽爲開。陽明爲闔。少陽爲樞。

此總三陽爲言也。太陽爲開。謂

陽氣發於外。爲三陽之表也。陽明爲闔。謂陽氣畜於內。爲三陽之裏也。少陽爲樞。謂陽氣在表

裏之間。可出可入。如樞機也。然開闔樞者。有上下中之分。亦如上文出地未出地之義。而合乎天地之氣也。三經者。不得相失也。搏而勿浮。命曰一

陽。三經者。言陽經也。陽從陽類。不得相失也。其爲脉也。雖三陽各有其體。然陽脉多浮。若純於浮。則爲病矣。故但欲搏手有力。得其陽和之象。而勿至過浮。是爲三陽合一之道。故命曰一陽。此三陽脉之離合也。帝曰。願聞三陰。岐伯曰。外者爲陽。

內者爲陰。然則中爲陰。外者爲陽。言表也。內者爲陰。言裏也。然則中爲

陰。總言屬裏者爲三陰。如下文也。其衝在下。名曰太陰。太陰根

起於隱白。名曰陰中之陰。其衝在下。名曰太陰。以太陰居衝脉之上。